



## Utoqqarnut politikki

- Utoqqartatsinnut utoqqalinerminni inuunermik imaqarluartumik inuuneqarnissaannut tapersersuissaagut. Utoqqanngorluni killiffimmut ataqqinassuseqarluni, naleqassuseqarluni inooqataanissamut.
- Utoqqartatta sapinngisamik sivisunerpaamik angerlarsimaffimmini toqqissimaffigisaminiilluni imminut pilersorsinnaalluni, soqutigisaminullu aallussilluni inooqataanissaanut ikorfartuissaagut.
- Utoqqartagut pisuussutitut, inuiattut nakuussutitut isigalugit innuttaasunut oqaluttuarnikkut isiginnaartitsinikkut, inuiattut naleqartitatsinnik ingerlatitseqqittussatut suleqatiserissavagut.
- Utoqqartatsinnut sammisassaqartitsinermi, inuiattut kulturikkut naleqartitagut: Erinarsorneq, nipilersorneq, isiginnaartitsineq, atuakkerineq, timerlu atorlugu aalaneq aallaavigalugit immersueqataassaagut.
- Utoqqarnut peqatigiiffiit assigiinngitsunik sammiveqarlutik inoqarfinni ulluinnarni suliniaqataasut tapertatut isigalugit suleqatiserineqassapput.
- Peqqissutsikkut atugarissaarnermik ulluinnarni inuttut kiserliortunngornissaat pinaveersaartinniarlugu, utoqqarni pisariaqartinneqartut, orninneqarneq, tusarnaarneqarneq, inoqarfinni tamani ingerlanneqartarnissaa siunnerfiuvoq.
- Sullissinermi immikkut aqutissiuunneqartussanut immikkullu ikorfartorneqarnissamik atorfissaqartitsisunut isumagissavarput utoqqartatta naleqarluartumik inuuneqarnissaanut ikorfartuinissarput.
- Utoqqarnut annertuumik ikorfartortarialinnut, immikkut sullinneqartariaqartunut Kommune Qeqertalik peqatigalugu ulluinnarni inuunerannut immersuilluarnissamik siunnerfeqartumik sullissineq suleqatigiissutigineqassaaq.

Kommune Qeqertalimmi utoqqarnut politikki akuerineqarpoq marts 2020.